

ТАДБИРКОР АЁЛ САОДАТИ

Тангри таоло ҳар бир инсонни ўзига хос муносиб истеъдод билан сийларкан. Инсон улғайган сари ушбу истеъдод аста-секин шаклланиб, меҳнат, изланиш, иштиёқ ва меҳр орқали ўз бўйини кўрсатади. Йиллар давомида истеъдод қирралари такомиллашиб, яратувчи кучга айланади. Билим, тажриба, танлаган йўлидаги тўсиқлардан қўрқмаслик, қийинчиликлардан тушкунликка тушмаслик, муваффақиятдан эса мағурурланиб кетмаслик инсонни олий мақсадлар сари етаклайди.

Шукрлар бўлсинки, бугунги кунда орамизда ана шундай истеъдодли, интилувчан, тадбирли кишилар сафи тобора кенгаймоқда. Қаҳрамонимиз Ҳуснияхон Холиқова ҳам келажаги ёрқин изланувчан тадбиркор аёллар сирасидандир.

Исми жисмига монанд зебо, табиатан камтар ва хушмуомала Ҳуснияхон болаликдан адабиёт, мусиқа ва тасвирий санъатга қизиқади. Турфа хил гуллар экиб, парвариш қилиш унинг энг севимли машғулотларидан бўлган. Гўзалликка ошуфталик кейинчалик унда дизайнерлик касбига чексиз ҳавас ва меҳр уйғотди. Миллий матолардан аёллар учун замонавий либослар эскизларини чиза бошлади. Чизганларини эса аслидагидан ҳам гўзалроқ қилиб тикишни ўрганди. У бир бирини тақрорламайдиган ижодий ишларини дастлаб онаси Тўпанисо, кейин устозлари Шарофатой, Дилбарой опаларга кўрсатиб, уларнинг маслаҳатларини тингларди.

Ҳуснияхон тадбиркорлик фаолиятини секин-аста ривожлантира бориб Тўда қишлоғи гузарida "Ҳуснияхон моҳир қўллари" хусусий корхонасини очди. Айни кунда корхонада 40 нафардан зиёд хотин-қизлар ишламоқда. Улар 30 хилдаги трикотаж маҳсулотларини ишлаб чиқаришга эришмоқдалар. Хуршидахон, Фаридахон, Барчиной сингари моҳир чеварлар тикаётган маҳсулотлар нафакат ички бозорларимизни, балки қўшни давлатлар бозорларини безамоқда. Ёш тадбиркор изланишдан сира چарчамайди. Янгиликларга қизиқади.

-Гулларни яхши кўраман,-дейди Ҳуснияхон.- Ҳатто, тушларимда ҳам гуллар билан мулоқот қиласман. Шу боисдан гул етиштирадиган иссиқхона ташкил этиш ниятим ҳам бор. Кўрик-танловларда ўз маҳсулотларимиз билан қатнашиб, юқори ўринларни эгаллашга ҳаракат қиласми. Қишлоғимиздаги ишсиз юрган ёшларни иш билан таъминлаб, оиласлар иқтисодиётини яхшилашга ҳиссамни қўша олсан ўзимни ғоят баҳтиёр ҳис этаман.

Ҳуснияхон хусусий корхона бошлиғи, тадбиркор бўлибгина қолмай оқила оила бекаси. Умр йўлдоши Абдуғофир билан бирга икки ўғилни вояга етказишиди. Улуғбек Андижон давлат хорижий тиллар университетининг 4 босқич талабаси. Авазбек олий ўқув юртида таҳсил олиш нияти билан ҳаракат қилмоқда.

Интилганга толе ёр, дейишади. Эл-юрт ташвиши билан ёнаётган Ҳуснияхон сингари ғайрат-шижоатли тадбиркорларимиз сафи тобора кенгаяверсин. Биз уларга омад, зафар ва эзгу мақсадлари сари оқ йўл тилаймиз.

Баҳромжон МАМАДАЛИЕВ,

халқ депутатлари туман Кенгаши раиси ўринбосари.

2020-09-14 13:38:20